



Broj: 07-45-3390-4/23
Sarajevo, 19.09.2023. god.

Na osnovu člana 20. Zakona o državnoj službi u Kantonu Sarajevo ("Službene novine Kantona Sarajevo", broj: 31/16), člana 100. stav (3) Zakona o javnim nabavkama („Službeni glasnik Bosne i Hercegovine“ br. 39/14 i 59/22), a u vezi žalbom ponuđača FCT d.o.o. Ulica Petra Rađenovića 12, 78000 Banja Luka, zastupanog po Željku Višiću, advokatu iz Banja Luke, od 18.09.2023. godine na tendersku dokumentaciju za nabavku robe „Prehrambeni artikli za bife Zavoda“, u otvorenom postupku javne nabavke po Obavještenju br. 359-1-1-29-3-32/23 od 15.09.2023. godine, Direktor Zavoda za planiranje razvoja Kantona Sarajevo, donosi

RJEŠENJE

1. **Usvaja se** žalba ponuđača FCT d.o.o. Ulica Petra Rađenovića 12, 78000 Banja Luka, zastupanog po Željku Višiću, advokatu iz Banja Luke, od 18.09.2023. godine na tendersku dokumentaciju za nabavku robe „Prehrambeni artikli za bife Zavoda“, u otvorenom postupku javne nabavke po Obavještenju br. 359-1-1-29-3-32/23 objavljenom na Portalu javnih nabavki BiH (sistem e-Nabavke) dana 15.09.2023. godine.

Žalbu je ugovorni organ zaprimio dana 19.09.2023. godine, pod brojem 07-45-3390/23.

2. Ugovorni organ će izvršiti izmjenu i dopunu tenderske dokumentacije. O istom će, putem Portala javnih nabavki BiH (sistem e-Nabavke), obavijestiti sve učesnike u postupku predmetne nabavke.

3. O troškovima sastavljanja žalbe punomoćnika žalitelja bit će odlučeno posebnim zaključkom.

Obrazloženje

Ponuđač FCT d.o.o. Banja Luka, uložio je žalbu na tendersku dokumentaciju za nabavku robe „Prehrambeni artikli za bife Zavoda“, u otvorenom postupku javne nabavke po Obavještenju br. 359-1-1-29-3-32/23 objavljenom na Portalu javnih nabavki BiH (sistem e-Nabavke) dana 15.09.2023. godine.

Ugovorni organ je, po prijemu iste, utvrdio da je žalba blagovremena, dopuštena i izjavljena od ovlaštenog lica i lica koje ima aktivnu legitimaciju.

Podnositelj žalbe izjavljuje: „U Obrascu za cijenu ponuda – roba specifikacija (aneks 3) – ugovorni organ upućuje na određenog proizvođača, strana 24, kao npr. stavka pod rednim brojem 5. Nes Kafa 1/8 – 1/10 pak., strana 25. stavka pod rednim brojem 18. Cola 0,33 l.“

Zavod za planiranje razvoja Kantona Sarajevo će, rukovodeći se načelima transparentnosti i nediskriminacije, a u cilju najefikasnijeg korištenja javnih sredstava u vezi s predmetnom nabavkom i njenom svrhom, izvršiti izmjenu i dopunu tenderske dokumentacije u smislu člana 54. stav (9) Zakona o javnim nabavkama, te će na adekvatnim mjestima u Obrascu za cijenu ponude dodati riječi "ili ekvivalent".

Shodno naprijed navedenom, donosi se rješenje kao u dispozitivu.



Dostavljeno:

- FCT d.o.o. Ulica Petra Rađenovića 12,
78000 Banja Luka
- Služba za javne nabavke,
- Arhiva